



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CCXXXI. Schuldverschreibung Eggert's von Sydow für Curd Sydow, vom
25. Januar 1428.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

geschreuen ys. Vp disze vorgeschreuen stuken hebbe yk myne genedigen heren deme voyde, deme ganzen lande der nyen marke, den van konigesberch gesecht eynen vrede vnde In arghe nummer tu gedenkende. Tu allen deszen vorgeschreuen stucken vnd vor eyn ytzlich adder gyuelik befunder Segge wy medelouers vorbenant yn vnde meth gantzen truwen stede vnde faste tu holdende. Dez tu tuge vnde orkunde groter bekantnisse hebbe yk haltes bruker sakeweldige meth mynen medelouers vorbenumeth vnse Ingefelgel myt vnser aller wille vnd vulborth laten hengen an diszen brif, dy geschreuen ys nach godes geborth M^o CCCC^o, dar nach In deme XXVI Jare, Sundages nest komende nach lucie der hilgen Juncvrouwen.

Nach dem Original des Königsberger Stadtarchives No. 188.

CCXXXI. Schuldschreibung Eggert's von Sydow für Curd Sydow, vom 25. Januar 1428.

Vor allen guten cristen luden, de dessen briff zien, horen edder lesen, Bekenne ik Eggerd van sidow to blumenberge, dat ik med mynen rechten eruen van mynen rechten redelken schulden schuldich byn dem wolgeborn manne Curd sidow vnde synen rechten eruen anderhalf hundert mark guder wonleker vyncker penninge Stettynscher munte, de ik Eggerd van sidow hebbe entfangen van Curd sidow vnde hebbe se gebracht in myn vnde in myner rechten eruen nud vnd behuf vnde darto vesteyn mark der suluen vorscreuen munte vor de rente, de ik Eggerd vorscreuen ofte myne eruen schal vnde wil Curde vorbenant ofte syne eruen wol to der nüge vnde to dancke betalen an eyne summe sunder synen schaden edder syner eruen bynnen Konigesberghe in sins werdes huse, ofte synen eruen Edder an eyner anderen stede, also wor dat em edder synen eruen de betalynge alder ghedelekest is, nu an funte mertens dage negeft tokomende sunder alle argelift. Vnde weret ock sake, dat ik Eggerd vorscreuen ofte myne eruen desse vorscreuen anderhalf hundert mark nicht geue vp dessen negeften tokomende funte Merten Curd sidow edder sinen eruen, dat my ofte mynen eruen dat welke not boneme, Sunder dat ik Eggerd vorscreuen edder myne eruen se vord wolde vnder beholden vmme sodane rente, dat scholde anders nicht schyn, dat were denne, dat ik eggerd vorscreuen ofte myne eruen dat deden med Curd zidowes edder syner rechten eruen wille. Wen ock Curd van sydow edder syne eruen my Eggerd vorscreuen edder myne eruen desse vorscreuen anderhalf hundert mark nicht lenck willen vnderlaten vmme sodane rente, So schal Curd sidow edder syne eruen my Eggert van zydow edder myne eruen eyn verndel Jars to vorne dat to wetende don vnde denne dar na to deme negeften funte merten, so wil ik Eggerd van sidow ofte myne eruen Curd zidow edder synen eruen bynnen Konigesberghe in sins werdes huse ofte syner eruen vp den suluen enckeden vorscreuen dach martini gheuen an eyne summe beide honestul vnde ock de rente wol to dancke Edder vp eyne ander stede, dar em ofte synen eruen desse vorscreuen betalinge aller bequemest is in guten truwen vnde louen sunder alle argelift. Vnde weret dat ock sake, dar got io mute vor syn, dat ik eggherd zidow edder myne eruen desse vorscreuen betalinge vp dessen enckeden dach funte Merten Curd zidow ofte synen eruen nicht so

gantz wol hilden, also desse Briff vthwifet vnde dar Curd Zidow edder syne eruen Jennegen bewesleken schaden vmme deden edder nemen to cristen luden ofte to Joden, Den schaden, den segge ik Eggerd vorscreuen med mynen eruen vnde med mynen truwen medelouern alle hyr na bescreuen Curd zidow vnd synen rechten eruen wol wedder to leggende gelike deme houetstule sunder alle argelift, de hir in muchte komen, vnde wi truwen medelouer alle, also ik Curt steenbeke to vchtorp, Beteke van dem borne to steenwer, Erasmus trampe to lyndow, hennynck Trampe to Czernow vnde Peter Struwer to hinrickeftorp, wi lauen alle met eyner voruolgeden sampden hant vnd seggen io Curd Zidow vnde synen rechten eruen, dat Eggerd van sidow vnde syne eruen em wol schal betalen sunder synen vnde synen eruen schaden in gantzer wise, also desse Briff hyr vor vthwifet, sunder alle argelift de hyr in muchte komen vp dessen negelsten dach martini. Worde ok dit vorscreuen gelt beide houetstul vnde rente to sampde edder eyn deel bi sik vnder my eggerd zidow ofte vnder mynen eruen van Curd zidowes edder synen eruen wegen bekummed edder besettet met Jennegen gesleken edder werlekem rechte, de besettynghe edder bekummernisse segge ik Eggerd met mynen eruen vnde met mynen truwen medelouern Curd Zidow vnde synen eruen io wol to vrigende, also dat se Em nicht schal schedelken syn an desser vorscreuen betalynghe. Schege ock Curd Zidow ofte synen eruen Jenech brock an desser vorscreuen betalynghe, dat got io nicht enwille, de brokamicheit vnde schade wilkore ik eggerd med mynen eruen vnd med mynen truwen medeloueren vorscreuen to vornugende Curd zidow ofte synen eruen sunder alle argelift in guden truwen vnde guden louen, wen wi allent sament dar vmme werden esschet met muntleken boden edder waraktigen bryuen. Alle desse vorscreuen stucken vnde artikel laue ik Eggerd van sidow also eyn ware houetman met mynen rechten eruen vnde met mynen truwen medeloueren vorscreuen alle met eyner voruolgenden sampden hant stede vnde vaste in guden truwen vnde guden louen io wol to holdende vnde vullen tu bringende sunder alle argelift, de hir an desser betalynghe muchte schedeleken syn. Des to eyner groter wisheit vnde bekantnisse so hebbe wi alle beide houetman vnde alle wi truwen medelouer vns allen wol wilk na der bord vnser lyuen hern ihesu cristi dusent vyrhundert, dar na in deme achte vnde twintigsten iare in deme dage sunte Pawels des werdigen hilgen Apostels, also he bekerd wart van vnsem hern cristo, dessen open brif met vnser anghangen Ingefegel aldus hoveseteget etc.

Nach dem Originale des Königsberger Stadtarchives No. 191.

Ann. Das Original hat in dorso die alte Notiz:

Desse breue horet der houelude to Haussberge vnd is van der borch.

CCXXXII. Siegfried, Bischof von Camin, bestätigt eine Stiftung des Priesters Jacob Fuhrmann, am 13. August 1428.

Sifridus, dei et apostolice sedis gracia Episcopus Caminensis — vidimus patentes literas discreti viri domini Jacobi vurman, presbiteri nostre diocesis, sanas et integras non